



## PARAU FA'AARARA'A NĀ TE MAU VE'A #15

Mai te 'omuara'a 'o teie ma'i 'i te fenua nei e tae roa mai 'i teie mahana, teie te mau nūmera : 618 ta'ata tei hi'opo'ahia, 42 ta'ata tei ro'ohia 'i te ma'i COVID-19 (hō'ē ta'ata ma'i 'āpī tei 'itehia' e tiro tiro to roto ia na, nō te oire ō Papara). E piti atu ra ia ta'ata 'e vai nei 'i te fare ma'i. 'E te parau 'oa'oa, 'aore ā ta'ata i fa'aru'e mai.

Teie ta'ata 'āpī tei hi'opo'a hia, e ua 'itehia tei roto ia na te tiro tiro COVID-19, nō te 'oire nō Papara. 'Ua tape'ahia 'oia i te fare ma'i nō Taaone i roto i te piha ra'apa'aura'a ma'i fifi, e hō'ē i roto i te tahi atu piha.


Te fa'aha'amana'o fa'ahouhia atu nei te Fa'atere Hau o te Ea te faufa'a rahi nō te mau rave'a pā ruru i roto i te mau 'utuafare feti'i e i roto atoa i te mau tuha'a 'oire e mea rahi roa te ta'ata e noho ra i reira, e nehenehe ato'a te tahi fa'anahora'a ta'a'ē i te ravehia na roto i te 'opani roa ra'a i taua tuha'a tei reira te 'ite ra'ahia te hō'ē ta'ata ma'ihia i te COVID-19.

Ia 'ore noa atu te ta'ata e ha'apa'o i teie mau fauera'a e riro ratou i te fa'auto'ahia.

### Te mau numera 'i teie mahana

Taatoara'a o te mau ta'ata tei ma'i hia i te COVID-19	42
Rahira'a ta'ata tei ma'i hia i te COVID-19 e o tei tapea hia i te fare ma'i	
- no teie taimē	2
- mai te ha'amatarā'a no teie ma'i	4
Rahira'a ta'ata tei rapa'āu hia i roto i te piha rapa'āura'a ma'i fifi	1
Rahira'a ta'ata tei fa'aru'e mai no te ma'i COVID-19	0


Fig. 2. Te mau ma'i i Tahiti e i Moorea, i te ono nō eperera 2020



No roto mai : Piha hi'opo'ara'a i te mau ma'i, Faaterera'a nui no te ea

### Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i



No roto mai : Piha hi'opo'ara'a i te mau ma'i, Faaterera'a nui no te ea



## Te mau terera'a manureva : na te ara, i farāni, i roto i te mau motu

**Na te ara** - Ua manuia maita'i te tere manureva 'i Shanghai. E ho'i mai 'oia i teie avatea i te fenua nei nō te fa'aho'i mai 130 metera 'afata, mau tauiha'a nō te araira'a i teie ma'i COVID-19 : te mau pāruru vaha, te mau 'ahu, te mau rimarima, te mau māteria nō te hi'opo'ara'a i te tirotiro COVID-19.

Ia 'ite mai ra 'outou e, e 'afa'i hia atu te mau pairati e te mau rave 'ohipa i roto i te manureva, i roto i te tahi fare i reira ratou e fa'aea ai. Te aura'a 'e'ita ratou e ho'i i roto i tō rātou mau 'utuafare.

**I farāni** - Nō te mau terera'a manureva, tei mana'ohia e ia tupu i rotopu ia **Tahiti e o Paris**. E tupu teie tere matamua i teie mahana piti nei no te reva atu i Paris. E ho'i mai 'oia i teie mahana pae i muri nei i te tuira'a pō.

Teie mau tere ta'a'ē na te taiete Air Tahiti Nui nō te uta atu ia i te mau māteria nō te utuutura'a ma'i, te mau hi'opo'ara'a e fa'atae hia atu i Paris e te tahi atoa o tatou e haere atu i roto i te mau fare ma'i i Paris. 'E'ita roa te mau horo patete e fari'ihia.

**I roto i te mau motu** - E tere atu te ho'e manureva tei tarahuhia i te pae fenua 'Enata nō te 'afa'i atu i te mau tauiha'a utuutura'a ma'i, no te tauturura'a ia i te mau fare utuutura'a ma'i. Nā te reira e fa'a'ohie i te hi'opo'ara'a i te mau ma'i no te huira'atira.

E tupu teie mau tere manureva i roto i te mau ta'a motu atoa no porinetia no te tauturura'a ia ratou.

## Nō te parurura'a ia tatou : te mau fare ho'ora'a ra'au e te mau fare toa

E mea faufa'a rahi roa te fa'a'ohipara'a i te mau mahana atoa te mau rave'a pārurura'a no te pa'epa'era'a i te araira'a i teie ma'i.

Fa'a'ohipa teie mau rave'a pāruru i roto i te mau fare toa e haere hia atu e 'outou : fa'aateateara'a, 'eiaha e 'apa fa'ahou, 'eiaha e aroha rima, a hota i roto i te fatira'a rima, horoi i tō 'outou rima, ho'e noa ta'ata i roto i te fare toa no te ho'o mai ta 'outou mau ma'a.

Ia fa'a'ohipa 'outou i teie mau fauera'a i te po'ipo'i tapati ia haere 'outou e ho'o mai te mā'a i roto i te fare toa.

Ta 'outou mau tamā'ara'a i roto i te 'utuafare, nō 'outou noa e noho ra i roto i taua 'utuafare ra.

Nā reira atoa nō teie mau 'oro'a pāta e piri mai nei.

Ho'e a huru fa'anahora'a ia haere 'outou i roto i te mau fare ra'au no te ho'o mai te ra'au nā 'outou.

**Te ARAIRA'A 'i teie ma'i.** 'E mea faufa'a 'ia fāaha'amana'ohia, 'e'ita teie tirotiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.

## MĀURUURU E FA'AITOITO